

又曰不去猶云不朽古今皆有去時一世古則一世去世閱世而成古今所以古今皆有去時而道獨常存不去甫美也道惟常留斯以閱眾美而範圍之不過曲成之不遺也夫眾甫紛紛遍天地吾何以知眾甫之所以然哉以知此道而深信之不疑耳

益謙章第二十二

曲則全委曲全枉則直大直若曲窪則盈謙下德歸弊則新晦極自明少則得易知

簡能多則惑見疑是以聖人抱一為天下式一矩眾繩

玉華帝君注曰天下總是一箇理字要能體認如直與曲兩端羣知直是而曲非也殊不知任直之過反與萬物有妨惟

道藏輯要

道德經解

言

心集一
四百八

曲則能通通斯和和則萬物在宥其成全者正無涯也枉者直之反既枉矣亦安得直而不知木工之引繩取其直也窈竟引之始直舍之則曲未見其常直也惟枉不見直而不直中總有箇理字作骨如父子相隱雖枉正可以處州里行蠻貊是為不直之直其直固自多也水性就下窪下之地眾水所歸未有不盈者也新故相乘勢也常即於新安見有新惟到做時由做以返新萬物成敗消長之理大類如是少則得者即一以貫之之謂雖少而貫通常自得也苟厭少而驚多將荒唐滑稽之論皆得而惑之矣是一者介寂感之交主危微之界恍惚窈冥無離無著而所謂曲全枉直六事皆從此

一中分出故聖人獨抱此以為天下法式焉

不自見故明

莫見乎隱

不自是故彰

莫顯乎微

不自伐故有功

無伐善不自歸

自矜故長

無施勞能不危

夫惟不爭故天下莫與之爭

我尚自忘何况非我

又曰聖人抱一如是可謂明矣而究不自以為明也彼目能見物不能自見自見為目則反不明故不自以為明明斯遠也而由是不自以為是人必是之人是之則明彰矣不自伐其功人必以功歸之公益著矣不自矜夸其長人必即其長而欽之長愈永矣凡此不自見不自是不自伐不自矜是皆所謂不爭也夫惟不爭天下亦孰能與之爭哉漢高帝鴻門不與項爭而垓下遂無有與之爭者此類可推

藏輯要

道德經解

三五

心集一

古之所謂曲則全者

性不窮

豈虛言哉

正非虛妄

誠全而歸之

歸本復初

又曰通章主意原在首句故未亦單結言古之所謂曲則全者豈虛語哉無曲弗全內以全身外以全物皆全也欲全萬物而有不歸之於道即有不歸之於曲也哉即如人之一身五臟六腑以及四肢皆曲而是身賴以常全則曲而能全更瞭如矣

虛無章第二十三

希言自然

妙音希聲

玉華帝君注曰希言即簡言之謂道重雌默以簡為貴世人弗知此道而煩稱博引不適於中多致牽強非自然也惟聖